



პრეს-შეტყობინება



**EUROEAST
CULTURE**

Eastern Partnership Culture Programme

RcCHD
REGIONAL CO-OPERATION
FOR CULTURAL HERITAGE DEVELOPMENT

SOS! კულტურულ მემკვიდრეობის დაცვა უქმდება!

ICOMOS საქართველო შემფოთებას გამოთქვამს საქართველოს პარლამენტში საქართველოს მთავრობის მიერ შეტანილ საკანონმდებლო ცვლილების პროექტთან დაკავშირებით. კანონპროექტი მიზნად ისახავს „კულტურული მემკვიდრეობის კანონის“ მე-17 მუხლის ცვლილებას, რომლის მიხედვითაც „განსაკუთრებულ შემთხვევებში, სახელმწიფოებრივი მნიშვნელობის აუცილებლობის არსებობისას“ ძეგლისთვის სტატუსის მოხსნა შესაძლებელი გახდება სამინისტროსთან შეთანხმებით და საქართველოს მთავრობის განკარგულების საფუძველზე. აქამდე არსებული რეგულირებით ძეგლის სტატუსის მოხსნა დაიშვებოდა მხოლოდ ძეგლის მიერ მისი ღირებულებები დაკარგვის შემთხვევაში.

მიგვაჩნია, რომ აღნიშნული ცვლილება წინააღმდეგობაში მოდის კულტურული მემკვიდრეობის დაცვის საერთაშორისო პრინციპებთან, საქართველოს კონსტიტუციასთან (მუხლი 34.2) და საფრთხის ქვეშ აყენებს საქართველოს კულტურული მემკვიდრეობის მომავალს. შემოთავაზებული მექანიზმი უზრუნველყოფს მთავრობის მხრიდან გამარტივებული წესით ძეგლის სტატუსის მოხსნას, ყოველგვარი დაცვის გარეშე ტოვებს კულტურულ მემკვიდრეობას და მთავრობის აგრესიული ჩარევის საფრთხეს ქმნის. შედეგად ეკონომიკური განვითარების სახელით კულტურული მემკვიდრეობის მორიგი ნგრევის მოწმენი გავხდებით.

ნიშანდობლივია, რომ აღნიშნული კანონპროექტის ინიცირებას წინ უძღოდა საქართველოს ეკონომიკისა და მდგრადი განვითარების სამინისტროს მოთხოვნა კულტურის სამინისტროს მიმართ, ძეგლის სტატუსი მოეხსნა აღმაშენებლის გამზირზე მდებარე ორი შენობისათვის, მათ ადგილზე „ახალი ფუნქციის მქონე ნაგებობების აშენების მიზნით“. აღსანიშნავია აგრეთვე, რომ ინიცირების პროცესში არ ყოფილა ჩართული პროფესიული საზოგადოება და საპარლამენტო განხილვები მიმდინარეობს დაინტერესებული მხარეების მონაწილეობის გარეშე.

აღმაშფოთებელია ის ფაქტიც, რომ აღნიშნული ცვლილების მიხედვით კულტურისა და ძეგლთა დაცვის სამინისტრო იხსნის პასუხისმგებლობას, დაიცვას კულტურული მემკვიდრეობის ძეგლები და ძნელად თუ ანალიზებს, რა შედეგებამდე შეიძლება მიგვიყვანოს მან.

პრეს-კონფერენციის მიზანია მედიის საშუალებით ავუხსნათ ფართო საზოგადოებას, რა საფრთხის შემცველია ეს ცვლილება ადგილობრივი მნიშვნელობის 7000-მდე ძეგლისათვის. აღსანიშნავია, რომ მსოფლიოში არ არსებობს ამგვარი ნორმის ანალოგი და ძეგლის სტატუსის მოხსნა მხოლოდ გამონაკლისის შემთხვევებში, სასამართლოს გადაწყვეტილებისა და მრავალწლიანი განხილვის ფონზე ხდება.

მოუწოდებთ საქართველოს პარლამენტის ყველა წევრს გამოიჩინოს სიფრთხილე, არ დაუჭიროს მხარი მის წარმოდგენილ რედაქციას და უზრუნველყოს კანონპროექტის ფართო განხილვა და ყველა დაინტერესებული მხარის ჩართულობა.

პრეს-კონფერენცია იმართება **21 ნოემბერს, 12:30 საათზე**
საინფორმაციო სააგენტოში Press Time
მისამართი: კოსტავას ქ. 68, მეორე კორპუსი, III სართული.

დამატებითი ინფორმაციისათვის მიმართეთ:

ლელა ნინოშვილი - ICOMOS საქართველო
ბეთლემის აღმართი 16ბ, 0105, თბილისი
www.icomos.org.ge, rcchd@icomos.org.ge
ტელ.: 2984527, მობ.: 595636361 ან 599941449



პროექტი დაფინანსებულია ევროკავშირის მიერ. იგი ხორციელდება ევროპის სამეზობლო პოლიტიკის აღმოსავლეთ პარტნიორობის კულტურული პროგრამის ფარგლებში

ევროკომისიის დელეგაცია საქართველოში
ნინო ჩხეიძის ქ. 38
0102 თბილისი, საქართველო
ტელ: 294 3763

